

Die Hauptsach'.

E Fraa kimmt in die Hilfsschul' heit'  
Un dud zum Lehrer sache  
Sie möcht' halt grad ,wie annern Leit'  
Nach ihrer Tochter frache.  
Ob se de Lehrer brauche kann  
Beim Lese, Rechne, Schreibe.  
Es wär' nit recht ihr, wann se dann  
Am Schluß ded sitze bleiwe.  
Der Lehrer säicht: "Ich hab' moi Last  
Möcht' manchmal grad druff peife  
Ihr Tochter is sou schwach, daß fast  
Sie gornix dud begreife".  
Der Fraa is des nit recht, doch dann  
Dud ihr 'en Oifall kumme  
Sie mänt: "wann se nor souviel kann  
Um an de Mann zu kumme".